

皇朝通志



皇朝通志卷三十六

禮略一

臣等謹按自古帝王經國治世之典莫大於禮禮也者事神理人班朝治軍由仁孝誠敬之思以達於盡倫盡制之實治法所由大備也自有虞氏命典三禮成周始有吉凶軍賓嘉五禮之目漢唐以來規制略有未臻大備秉筆紀載者亦無由上煥隆古之規洪惟我 皇朝 聖 聖相承監古定制典章鴻懿超越萬代

皇上中和建極兼綜條貫自

郊

廟百神之祀朝覲燕饗之儀

閱武訓戎之政柔遠安藩之略

以至慎終追遠之典皆本

聖神之極思創制顯庸盡美盡善其儀節之精詳已載於

大清會典 大

清通禮中茲纂輯

皇朝通志禮略惟謹繹規制之大者倣鄭樵通志體例登於卷中謹考鄭樵禮略以古嘉

賓軍凶爲序而所載皆漢唐以後之彌文如吉禮之明堂靈星老君祠封禪歷代所尙葦菱桃梗高禩祓禩諸條嘉禮之三老五更賓禮之三恪二王後軍禮之較祭祭馬祖凶禮之天子爲大臣服至郡縣吏爲守令服諸條皆一時所行之制不足垂爲定範茲謹遵 大清通禮成式五禮首吉次嘉次軍次賓次凶凡諸治神人而和邦國定損益而酌古今宏綱鉅目皆前代未有之隆儀爲百王之矩範而於鄭志諸目之卑陋無稽爲 聖朝已經裁革者則皆刪去其目並隨條加按聲明以示大經大法之所爲立極並以誌體例之所由來焉

○吉禮

臣等謹按鄭志五禮首以吉禮二卷自郊天而下條目紛繁多述秦漢以來煩黷之制非盡古禮也我 朝 列聖以來釐定終典精禋儼恪超越萬古自 南郊 北郊 太社 太稷以至於 天神

地祇之祀

太廟祫祭時享以及於

歷代帝王

先師孔子

羣神之典彝章明備著於

大清會典

大清通禮謹依次叙載述爲吉禮六卷其鄭志所有諸條本朝已經釐正者謹隨條附述案語

於後以見盡善盡美之極制焉

○○○南郊

臣等謹按

兩郊大祀典禮攸崇我

朝

列聖以來敬事

皇穹垂爲成憲

皇上紹承祇

遙歲必躬親潔蠲將事積久益劬禮明樂備昭示萬年謹考典制之所自敬著於篇至每歲

親祀大典惟

恭纂有關釐定者以符體例云

太祖高皇帝天命元年正月貝勒以下諸臣奉上

皇帝尊號立國建元行焚香告

天禮

天聰十年正月羣臣奉上

太宗文皇帝尊號是年建

圖丘于

盛京德盛門外其制九成周圍一

百十丈南門三東西北門各一四月

太宗率王貝勒以下文武羣臣齋戒三日

親祀

南郊

以太牢熟薦建國號曰大清改元崇德是爲

本朝祀

天於郊之始十一月冬至大祀

天於

圖丘以將征朝鮮告是爲冬至大祀

圖丘之始七年冬至以

駐蹕納蘭遣官恭代齋戒如禮停

止行獵

順治元年十月朔

世祖章皇帝定鼎燕京

親祀

南郊告祭

天

地卽皇帝位

是年定制每歲冬至大祀

天於

圖丘以

大明

夜明

星辰

雲雨風雷爲四從壇

配享每歲孟春以上辛日

祈穀於

圖丘凡祀

圖丘以冬至日子時

後定於黎明時與孟春

祈穀均爲大祀十一月冬至大祀

親詣行禮二年十月定

郊祀齋戒及設玉帛祝文香亭儀注三

年四月設守祀

天壇

地壇

社稷壇官員四年三月定大祀

南郊用牂牛之禮五年十

一月冬至大祀

天於

圖丘奉

太祖高皇帝配享八年三月定祭祀齋戒例

南北郊

祀

皇帝於大內齋宮致齋三日

壇內齋宮致齋一日四月定諸王文武羣臣陪祭扈從及送

駕接

駕儀注六月定大祀祗牲省牲之制十三年七月定祭祀出宮時刻凡祭

圖丘

方

澤於五鼓出宮禮部先期一日奏聞十四年正月辛亥祈穀於

上帝奉

太祖高皇帝配享三月特

舉大祀奉

太宗文皇帝配享嗣後冬至

郊天上辛

祈穀並同十七年二月定

祈穀

壇祀典用燭柴禮四月己酉合祀

天

地 百神於

大享殿

臣等謹按

圖丘之典

列祖以來躬親將事歲久益虔有紀載不能盡述者茲纂唯恭載首事之年

及典制有所增定之歲餘不備述

祈穀大祀

方澤大祀紀載體例並與此同焉

順治十八年正月

聖祖仁皇帝登極遣官告祭

昊天上帝尋以諸臣詳議祀典請罷禁中

上帝壇及

大享殿合祀從之十一月冬至大祀

親詣行禮

康熙六年十一月冬至大祀

天於

圖丘奉

世祖章皇帝配享九年正月辛丑祈穀於

上帝奉

世祖章皇帝配享十二年八月定祭祀時刻

壇

廟皆黎明行禮二十九年正月

辛丑祈穀於

上帝

御製祝文

親詣行禮四十六年十一月冬至大祀羣臣以天氣嚴寒請

遣官恭代不許五十四年正月祈穀於

上帝用下辛日先是祈穀例用上辛是年正月十日上辛尙未立

春奉

諭旨以從前亦有用次辛下辛致者祭令諸臣議之乃以正月三十日下辛行禮五十七年十一月

冬至大祀遣官恭代仍照常齋戒五十八年十一月冬至大祀命親王恭代仍

親往瞻拜行禮奉

諭旨朕於祭祀之前升

壇瞻仰省視俎豆量力跪拜退處幄次俟恭代親王行禮畢然後回宮諸臣覆奏

聖體違和初愈天氣嚴寒請停

親祭奉

諭旨朕必親往朕行禮不必贊禮作樂將朕親詣

之處恭書於祝文內六十年十一月

世宗憲皇帝登極冬至大祀遣大臣恭代行禮

雍正元年十一月大祀

天於

圓丘奉

聖祖仁皇帝配享二年正月辛巳祈穀於

上

帝奉

聖祖仁皇帝配享七年正月

詔嚴

壇

廟演禮之禁部臣議奏凡祭祀執事等

官當在凝福殿演禮如有特加祭典先期於神樂觀演習從之八年正月

祈穀奉

諭旨以初二日

上辛行禮停止朝賀筵宴十三年正月

祈穀以初十日上辛尚未立春用次辛行禮九月

皇上紹登

大寶逾三月後羣臣以祀典上請奉

諭旨大祀齋戒所以潔齊心志對越

神明朕意齋戒之日即當

素服冠綴纓緯其視祝版亦當照例用禮服以昭敬謹禮部遵

旨議上從之

乾隆元年正月

祈穀行禮如儀四月大祀

天於

圓丘奉

世宗憲皇帝配享先是禮

部具儀奏上奉

諭旨爾部具奏

皇考配享

天壇儀注朕敬謹詳闕內稱配享時朕恭奉

神牌陞壇奉安於東三青幄次並未議及參拜

上帝之儀朕思升祈

太廟時先行參拜

列祖

列后禮然後陞座今配享

圓丘亦應先行參拜

上帝禮然後陞座議政王大臣等遵

旨議上從之三年正月祈穀於

上帝奉

世宗憲皇帝配享四年正月

祈穀用次辛日

十一年正月

祈穀同十二年十一月定

郊壇大祀誓戒百官之制凡太祀於午門前宣誓戒陪祀

之王公大臣官員朝服齊集跪聽行禮十二月定

郊壇大祀省視

神位及省視牲器之禮奉

諭旨

郊壇神主向藏

皇穹宇

皇祇室

皇乾殿考之唐開元禮先期升主陳設省視

復收朕思因省視而陳設

神主有違神道靜穆之義未協寅恭嚴事之忱應躬詣

皇穹宇

皇祇室

皇乾殿上香行禮分獻官詣配殿行禮肅將悃忱以申對越著大學士會同該部詳悉定議并恭

詣

壇廟後親視籩豆之處具儀以聞尋遵

旨具儀奏上如儀行禮十三年十一月冬至大祀用新成

祭器更定大駕鹵簿乘玉輅十四年五月

詔齋宮致齋勿鳴鼓角是月

詔修繕

兩郊壇宇展拓

舊制十六年九月改

祈穀壇大享殿爲

祈年殿門爲

祈年門十九年大學士等奏午門外宣

讀誓戒之禮今各衙門恭錄

敕諭製牌收貯於致齋日恭設堂中隨時仰瞻其宣讀之儀請停止從之二十

三年正月

祈穀用次辛日二十四年十一月冬至大祀以蕩平回部並告成功三十七年十一月冬至大

祀舊制

皇帝詣

齋宮乘禮轎乾隆七年改定乘輦是歲以石街積雪鑾儀衛奏請仍舊例用禮轎從之先

是大學士等遵

旨議定

郊天儀注前一日

皇帝詣

皇穹宇上香行禮畢卽還齋宮其

祇神位祇壇位省牲器命原遣視牲大臣恭代行禮又議舊制

皇帝陞第一成位奠玉帛後卽復第二成拜

位立以次進俎初獻讀祝亞獻三獻受福胙徹饌皆如之今議奏

皇帝陞第一成位奠玉帛後卽就讀祝位

以次進俎三獻飲福受胙畢始還第二成位行禮從之三十八年正月

祈穀用次辛日先是大學士等議

奏向例詣

齋宮皆於

祈年殿塼城門外降輦步入恭詣

皇乾殿上香瞻拜今議由西門步入行

禮以節行陟之勞從之四十二年正月

祈穀用次辛日四十四年十一月冬至大祀先是奉

諭旨南

郊典禮最為繁重朕明歲卽屆七旬雖拜跪尚可如常而精力究不免稍減恐過勞生憊轉非所以將誠意因思

正位晉獻香帛俎爵自當躬致申虔至

配位

列祖

列宗惟上香仍前親奉其獻爵

進俎則命諸皇子恭代庶得少節煩勞以專心禱薦卽自今歲冬至爲始並

敕部臣載入會典

臣等謹按我

皇上凝承

昊眷恪謹

郊禴每歲

大祀必

躬親昭事禮儀隆備誠悚

昭格乾隆三十七年始

命禮臣議定

郊天儀注三十八年行

祈穀禮於西壇門外降輦步行

入蓋少節繁文益所以專精

對越時

聖壽已逾六旬

天眷純熙積久彌劬恭讀三十九年

諭旨有云朕臨御以來恆以敬

天報本爲要不敢稍有怠惰凡

壇廟大祀必躬詣行禮自降輦以

至成禮一切典禮必敬必誠四十年來未敢少有怠忽而一切禮儀宜盡之處靡不加增至三十七年朕年逾六十始敕大學士及該部將降輦步行之遠近及升降之無關鉅典者酌減一二蓋欲稍減步履之小節蓄養精力期於大典益致恪恭蓋亦因朕年逾六旬始如酌量節減所以益矢誠敬也萬世子孫其敬識朕意於諸大祀設非年至六旬一切典章斷不可稍減倘蒙

上天眷佑年逾六旬方可遵朕現在所行舉行將此永著爲例

訓諭昭彰垂示萬世至四十四年奉

諭

南郊典禮最爲繁重

正位晉獻自當躬致申虔

配位則命諸皇子恭代自是歲歲敬承

大祀勅慈益虔酌儀文之準致純一之思所由仰答

天心垂億萬年無疆之庥也臣等恭繹禮意謹誌因時定制之義以昭

聖人誠恪事

天之大典焉

四十七年正月

祈穀先期奉

上諭今年正月初四日上辛朕以雍正七年

皇考諭旨因元旦

朝賀不宜展祈穀之期於次辛行禮其乾隆己未丙寅戊寅丁酉四次用次辛者以詣 京朝慶賀儀節不

宜有闕也今非向年可比宜謹遵 皇考明諭 祈穀仍用上辛自元旦卽齋戒其朝正慶賀改用初

五日行禮自 皇上御極以來 郊天祈穀之典歲必 躬親儼恪將事禮明樂備萬世法守其儀節

並載 大清通禮

○○○大雩 禱水旱附

國初定制歲遇水旱則遣官祈禱 天神 地祇 太歲 社稷至於 親詣 圖丘卽爲

大雩之義初立 天神壇於 先農壇之南以祀 雲師 雨師 風伯 雷師其西立 地

祇壇以祀 五嶽 五鎮 四陵山今爲五陵山 四海 四瀆 京畿名山大川 天下名山大川皆

因祈雨而修祀事義與雩同祈而應則報祀如儀直省各令建壇致祭常雩祈報並循定制行禮

順治十四年四月 世祖章皇帝以旱禱於 圖丘率羣臣致齋三日禁屠宰不理刑名至期

皇帝素服詣 圖丘不設鹵簿不除道不奏樂不設 配位不奠玉飲福受胙餘行禮如常儀遣官致

祭 方澤 社稷壇 神祇壇應時大雨越三日遣官行告謝禮十七年六月以久旱禱雨先期三日

世祖章皇帝步行詣 南郊齋宿是日早四際無雲頃之陰雲密布甘霖大霑越三日行祈祀禮於

圖丘祭畢雨復降越四日遣官行告謝禮是時禮部奏請修舉名山大川及古帝王聖賢祀典從之

康熙四年三月旱 命禮部遣官往泰山祈雨十年四月以旱禱雨 聖祖仁皇帝素服詣 壇

致祭旋以甘霖沾足遣官告謝與順治十四年同十七年六月 親祈雨於 圖丘 聖祖仁皇

帝自壇西門步行至

壇行禮時甘霖大霑仍步出壇西門乘馬回宮十八年四月旱禱雨報謝如儀十九

年四月旱禱雨報謝並如儀二十二年六月以亢旱

命建壇祈禱卽日雨二十六年五月

親祈雨

於

圖丘

御製祭文祭畢

回鑾甘霖立降越日遣官告謝如儀二十八年六月

御製

祭文遣官禱雨尋霽雨報謝如儀五十五年五月

駐蹕熱河以天旱減膳齋戒

諭京師虔誠祈雨

越七日雨足始復常膳五十六年五月

親祈雨於

圖丘是年冬

諭諸皇子及大臣等曰京

師初夏每少雨澤朕臨御五十六年約有五十年祈雨每至秋成悉皆豐稔昔年曾因暵旱朕於宮中設壇祈禱

長跪三晝夜日惟淡食不御鹽醬至第四日步詣

天壇祈禱油雲忽作大雨如注步行回宮水滿兩韉衣

沾濕後各省人至始知是日雨徧天下又

諭曰天行不齊多賴人事補救朕倉有餘粟帑有餘金隨盡時

隨地皆可賑濟故雖逢旱歲亦不能爲災也

雍正元年五月旱

世宗憲皇帝減膳虔禱甘霖立霑二年二月

親詣黑龍潭祈雨越數日

親祭 歷代帝王廟甘雨大霽羣臣衣盡沾濕各加

恩賜

御製喜雨詩羣臣恭和自此至十三

年偶值亢旱無不

齋居虔禱精誠感應歲獲豐登

乾隆二年六月以亢旱遣官致祭

天神

地祇

太歲各壇及

四海之神七年五月增

神祇

壇祈雨樂章八年四月始行常雩禮於

圖丘先是御史徐以升奏請於京城之內擇地建立雩壇倣古龍

見而雩之禮

敕下禮臣詳議尋議奏孟夏龍見擇日行常雩禮祀

昊天上帝於

圖丘奉

列聖配享

四從壇從祀於下孟夏後旱則祈

天神

地祇

太歲壇次祈於

社稷壇次祈

於太廟皆七日一祈旱甚乃大雩祀

昊天上帝於

圖丘雨足則報祀其以前望祭四海之

禮可以停止疏上從之九年四月大雩於

圖丘奉

諭旨目下畿輔雨澤愆期此次舉行雩祭正望恩

迫切之時非每夏常雩可比其先期前詣齋宮及祭畢回鑾朕俱御常服不乘輦不設鹵簿不作樂以示虔誠祈

禱爲民請命之意二十四年四月常雩

皇上步行親詣行禮五月

皇上步禱

社稷壇六月大雩於

圖丘

御製祝文步詣行禮越日大雨霑足報謝如儀自乾隆八年以來孟夏常雩皆

躬親行禮

惟

巡幸之歲遣官恭代自三十七年遵

旨議定

郊天儀注三十八年以後

常雩行禮並

同偶值水旱精誠致禱雨暘立應祈祀報謝皆如常儀焉

○○朝日夕月

順治八年六月定春分秋分朝

日夕

月之禮初定祀典以日月從祀

天壇罷春秋二分祀事至

是禮臣請照舊典於從祀

天壇外立

朝日壇於朝陽門外東郊立

夕月壇於阜成門外西郊從

之凡祀

日月爲中祀祀

朝日壇以春分日卯時值甲丙戊庚壬年

皇帝親詣行禮餘年遣官

承祀祀

夕月壇以秋分日酉時值丑辰未戌年

皇帝親詣行禮以

北斗七星

木火土金水五

星二十八宿周天星辰共爲從壇

列聖以來春秋二分皆

親詣遣官致祭如儀

乾隆三年二月初

日於東郊

皇上親詣行禮八月秋分夕

月於西郊先是奉

諭旨今歲

夕月壇舊例係遣官之年但朕卽吉之後初次舉行朕親詣行禮以展誠敬十一年二月春分

皇上親祭

朝日壇以次日日食不乘輦不設鹵簿不奏樂自是皆親詣及遣官致祭如儀

臣等謹按鄭志朝日夕月之後有明堂一門八蜡之後有靈星一門考明堂之制始於成周歷代有之而制度迄莫能定漢儒所述大戴禮白虎通蔡邕之說制度已各不相符朱子謂郊者古禮明堂者周制周公以義起之則其不必循行於後代可知我朝南郊大祀列聖配天極尊崇之鉅典明堂之制不復建立洵爲超軼前古矣自漢立靈星祠祀主天田配以后稷蓋卽祈穀之意我朝定制列星爲圖丘配位后稷爲太稷配位孟春祈穀歲必躬親春秋社稷以所以報靈星之祀誠無事於複舉也以上二條謹從刪

八蜡臘

臣等謹按鄭志有八蜡臘一門考八蜡之祭元明以來久停其制本朝有以舉行蜡祭請者奉皇上諭旨詳晰指示不必舉行蓋祈報之典已詳舉於各壇廟中停止蜡祭示無瀆也今謹載諭旨於篇中以見酌古準今折衷盡善之定制焉

乾隆十年十二月

諭大學士等國家崇報之文明禮聖薦考議周詳凡祀典所關羣神咸秩卽如雩祭諸禮

事繫農桑近復議行有畧無廢皆以爲民也邇年以來諸臣工每以蜡祭爲請朕追惟舊制酌古準今有宜於詳慎者考大蜡之禮昉於伊耆三代因之所以報萬物之成也雖詠於詩詳於禮記周官而古制變遷傳注參錯難以折衷所謂八蜡配以昆蟲後儒謂其害稼不當與祭月令祈年於天宗蜡祭也註曰日月星辰則所主又非八神至所謂合聚萬物而索饗之其神甚多尤難定位且蜡與臘冠服各殊有謂臘卽蜡者有謂蜡而後臘者是古制已不可考終無定衡至於後世自漢臘而不蜡此禮已湮魏晉以來迄於唐宋時行時止或溺於五行之說甚

且天帝人帝及於龍麟朱鳥多至百九十二座議者以爲失先王之禮達矣蘇軾曰迎貓則爲貓之尸迎虎則爲虎之尸近於倡優所爲是以子貢觀於蜡言一國之人皆若狂以其沿習日久迹類於戲也蓋祀於南郊已不合於古制而蜡于四郊則惟順成之方始祭較量區別叢雜瑣細於義有乖於禮未洽於神爲褻自元明以來停止此典實有難於舉行之處況蜡祭諸神如先嗇司嗇日月星辰山林川澤今皆祀於各壇廟原於典文無關卽民間秋成之後休息農功祀神報賽大抵借蜡之遺意以盡其閭井歡洽之情猶有吹豳擊鼓之風亦皆聽從民便未嘗禁止是蜡祭原行於民間但田夫萃處雜以嬉戲各隨其鄉之風尙初不責以儀文若朝廷議祀潔蠲虔享必嚴肅整齊何至有一國若狂之論可知此祭卽古亦閭閻相沿之舊俗詎可定以爲郊廟典禮如以爲有所無報則方春而祈穀冬又有事於

圖丘禮謂郊之祭爲大報天又云萬物本乎天大報本也豈得謂之有所

無報乎況二仲薦馨並崇社稷班固所謂爲天下求福報功者具在陳祥道所謂大社國社農之所報在焉今社稷壇春秋兩祀祈穀之禮已備至義近於重複事涉於不經者卽下之禮臣亦難定議因諸臣但泥古制多未深考是以特降此旨俾共知之

○○風師雨師諸星等祠

臣等謹按鄭志有風師雨師及諸星等祠我朝定制祀雲雨風雷之神於天神壇以專禱水旱已見

勝水旱門茲不重述 北斗五星二十八宿周天星辰之神從祀於夕月壇已見朝日夕月門伏見雍正

二年立時應宮以祀 龍神六年立 風神廟七年立 雲神 雷神之廟報答洪庥禮制詳備而

太歲壇祭每歲之神特隆廟祀謹彙著於篇直省崇祀之典亦附見焉

順治元年定每歲致祭 太歲壇之禮 太歲殿在 先農壇之東北正殿七間祀 太歲之神兩廡

十有一間祀 十二月將之神每年正月初旬諏吉及十二月歲除前一日遣官致祭初春爲迎歲暮爲祖自後

歲遇水旱則遣官祭告祈禱有應報祀如儀

康熙三十五年二月 聖祖仁皇帝親征噶爾丹遣官致祭 太歲之神凱旋祇告如之

雍正元年建時應宮於西苑以祀 龍神每歲以六月十三日致祭用素羞香燭遣內務府官行禮六年七月建

風神廟於都城內東北隅禮工二部會同內務府遵 旨議奏於都城東北隅擇得景山東邊當東北

箕星之位建廟甚宜其廟宇倣時應宮規制每年於立春後丑日致祭奏上從之 詔封爲應時顯佑風伯

之神廟曰宣仁廟是年以河臣奏請 敕封江南清口風神爲清和宣惠風伯之神歲時致祭七年十月建

雷神廟於都城內之西立夏後申日致祭建 雲師廟於都城內之東秋分後三日致祭其規制祭儀俱

倣宣仁廟封 雲師爲順時普蔭雲師之神廟曰凝和廟 雷師爲資生發育雷師之神廟曰昭顯廟十三

年以撫臣請封廣東邊海郡縣廟祀 風神爲宣仁昭泰風伯之神封甘肅蘭州府廟祀 雷神爲顯仁應

瑞之神春秋致祭

乾隆元年十二月祭 太歲壇遣親王行禮十六年增定 太歲壇上香之儀十八年定 太歲壇供奉

神牌之禮舊例祭時以黃紙書年建神牌祭畢與祝帛同焚至是禮部請供奉神牌於殿廡內神龕前列神座祭

時請神牌奉安神座祭畢復龕恭遇 皇上親詣上香不請神主出龕從之嗣是遵行永爲定制二十年定制

祭 太歲壇遣親王郡王行禮直省府州縣各建 神祇壇祀 雲雨風雷境內 山川 城隍之神歲

春秋仲月諏吉致祭在城文武各官皆與省會以總督巡撫主之若有故以布政使攝府州縣春秋致祭儀節與省會同

皇朝通志卷三十七

禮略二

吉禮二

○○○北郊

臣等謹按鄭志方丘一門云神州后土附其所謂神州者謂王者所卜居吉土五千里之內地名也蓋漢以後諸儒附會之說非三代之制后土則自漢武帝立后土祠於汾陰睢上後世因之屢舉屢廢實不足為典要我朝
列聖以來敬事 方澤與 圖丘之典並重貢蒸對越厚酌載而答 洪庥視前代規制

超越萬萬謹載輯禮典著於篇中而鄭志之所謂神州后土者則謹從刪去云

順治元年定制每歲夏至大祀

地於北郊

方澤以

五嶽

五鎮

四海

四瀆為四

從壇配享八年尊封

肇祖原皇帝

興祖直皇帝陵山為啟運山

景祖翼皇帝

顯祖

宣皇帝陵山為積慶山

十六年以移啓運山修積慶山從祀

太祖高皇帝陵山為天柱山

太宗文皇帝陵山

為隆業山附

四從壇配享凡祀

方澤以夏至日卯時

後定以日出前七刻與

圖丘祈穀均為大祀十四

年三月大祀

地于

方澤奉

太祖高皇帝

太宗文皇帝配享祠是以告謝

親

祀者一以告祭

親祀者一合祀

南郊者一惟是年為正祀

北郊之禮

康熙元年五月夏至大祀

地於

方澤

聖祖仁皇帝親詣行禮二年尊封

世祖章皇

帝陵山為昌瑞山從祀

三陵山之次六年十一月大祀

地於

方澤奉

世祖章皇帝配

享

雍正二年五月夏至

世宗憲皇帝大祀

地於

方澤奉

聖祖仁皇帝配享

乾隆元年五月夏至大祀

地於

方澤

皇帝親詣行禮尊封

世宗憲皇帝陵山為永寧

山從祀

四陵山之次二年五月夏至大祀

地於

方澤奉

世宗憲皇帝配享八年五月

夏至大祀先期致齋于

齋宮定制

兩郊皆有

齋宮是歲修葺

北郊齋宮齋宿如禮九年五月

夏至大祀以祈雨不乘輦不設鹵簿自後凡值祈雨遵以為制十四年五月夏至大祀詣

齋宮齋宿

詔易

皇祇室綠瓦為黃瓦并修

北郊壇宇四十四年冬至大祀

南郊奉

諭旨朕明歲即屆

七旬因稍省煩勞專心禱薦定於

正位躬詣晉獻香帛爵俎以申虔敬至

配位

列祖

列宗惟上香仍前親奉其獻爵進俎則命諸皇子恭代四十五年五月夏至恭舉

北郊大典

親承

恭代一如前

南郊之禮凡

北郊大祀

皇上躬詣行禮儀節並詳

大清通禮

○○社稷

順治元年定制

社稷壇之禮每歲以春秋仲月上戊祭

太社

太稷之神同壇同壇

社主用石

稷主用木祭則恭設

神牌

太社位右

太稷位左均北向以

后

稷氏配西位東向壇在

午門之右凡祀

社稷壇為大祀八年二月祭

太社

太稷

皇帝親詣行禮其秋八月值

太宗文皇帝忌辰陪祀各官行禮畢仍易素服九年秋復值忌辰禮部以改

期請弗允